



Presuda Općinskog suda u Tuzli

Pomoćniku ministra 20 mjeseci zatvora

Bahir Imamović osuđen zbog krivičnog djela primanje
dara ili drugih oblika koristi

Općinski sud u Tuzli osudio je Bahira Imamovića, pomoćnika ministra u Ministarstvu industrije, energetike i rudarstva Tuzlanskog kantona, na 20 mjeseci zatvora zbog krivičnog djela primanje dara ili drugih oblika koristi.

Prvostepenom presudom Imamoviću je izrečena i sigurnosna mjera zabrane vršenja poziva, djelatnosti ili dužnosti u Ministarstvu, kao i dužnosti u drugim organima uprave ili javnim preduzećima u periodu od dvije godine.

Podsjećanja radi, Imamović je uhapšen u akciji SI-PA-e, i to u trenutku kada je uzimao označene novčanice od Zlatana Velagića iz preduzeća „Tuzla-kvarc”. Imamović je, kao pomoćnik minis-

tra, bio zadužen za dodjelu koncesija za eksploataciju mineralnih sirovina na području TK, a od Velagića je od aprila do 7. maja 2015. godine tražio novac da bi izvršio službene radnje koje je inače morao izvršiti.

U optužnici Tužilaštva TK navedeno je da je Imamović od Velagića za proceduru dodjele koncesije na ležištima kvarcnog pijeska tražio da mu se u tri rate isplati dar od 30.000 KM. Obećavajući provedbu pr-

vog dijela procedure dodjele koncesije odgovorne osobe preduzeća „Tuzla-kvarc”, koja je prijavila Imamovića i saradivala s istražnim organima u predaji označenog novca, Imamović je uzeo 10.000 KM. **E. Sk.**

